

**AI 2001**

## **OQAASERTALIUSSAT**

### **Naalakkersuisut - Suliassa qarfiit 10 - 99**

#### Nr. 1.

Naalakkersuisut piginnaatinnearput suliassa qarfiit allanngornerisa malitsigisaanik kontut pingaarnert akornanni aningaasaliissutinik oqaasertaliussanillu nuussisinnaanermut, kiisalu allaffissornikkut kontut pingaarnert xx.xx.01 akornanni aningaasaliissutinik nuussisinnaanermut.

#### Nr. 2.

Naalakkersuisut piginnaatinnearput aningaasartuutissat Namminersornerullutik Oqartussat pigisaanni akisussaaffigisaanniluunniit illorsuarni, sanaartukkani pigisanilluunniit tillinniarnikkut, ikuallannikkut imaluunniit allatut ajutoornikkut il.il. pilersimasut akilernissaannut.

#### Nr. 3.

Eqqartuussivinni suliani apeqqutit pingaarnert tunngaviusullu Namminersornerullutik Oqartussat inatsisiliornerinut pingaaruteqartut naliliivigineqartussaattillugit Naalakkersuisut piginnaatinnearput, avataaniit inatsisilerinikkut ikiorserneqarnermut inuup pingajuannut aningaasartuuteqarnissamut.

### **Naalakkersuisut siulittaasuat - Suliassa qarfiit 10 - 19**

#### **Kontumut pingaarnermut 10.06.11-mut Nunaqqatigiit Siunnersuisoqatigiivi**

Kangerlussuaq 2001-imi kommuninut qinersinermi kommunip ataani nunaqarfittut inissisimalerpat Naalakkersuisut piginnaatinnearput, aningaasat Nunaqqatigiit Siunnersuisoqatigiivisa 2001-imi maajip aallaqqaataaniit ukiup sinneranut sulinissaannut immikkoortinneqarsimasut nuunneqassasut, siunissami nunaqarfimmi aqutsisuusussat sulinissaannut kommunip pineqartup aningaasartuutissaanut matusissutissatut, taamaalilluni aningaasat immikkoortinneqartut 860.000 kr.-it agguarneqassallutik 4/12-ii Nunaqqatigiit Siunner-

suisoqatigiivinit 8/12-iilu kommunimut pineqartumut.

**Kontumut pingaarnermut 10.10.13-imut Aktiatigut aningaasaliinerit.**

Nr. 1.

Naalackersuisut piginnaatinnearput, Royal Arctic Line A/S akuersissummi piumasaqaatinik sumiginnaappat, akiliisinnaajunnaartutut nalunaarutigineqarpat, nammineq piumasutsimik pinngitsaaliissutikkulluunniit akiitsoqarfimminut akiitsut akilersornissaannut isumaqatigiissuteqarpat imaluunniit akiitsoqartutut akiliisinnaanngitsutut eqqartuussivitsigut malersorneqalerpat, ingerlatseqatigiiffiup umiarsuaataasa sikusiorsinnaasutut akuerisat, Arina Arcticap, Irena Arcticap, Nuka Arcticap, Naja Arcticap Kiista Arcticallu naatsorsuutini kingullerni naliisut nalikillisatut, taamaattorli minnerpaamik umiarsuit pisiarinerini taarsigassarsianut atuuttunut akiitsut sinnerisa amerlaqataannik akilerlugit, piumasaqaatitaqanngitsumik pisiarinissaannut piginnaatinnearlutillu pisussaatinneqassasut. 2001-imi januarip akiitsut sinneri 269.930.000 kr.-iupput.

Pisussaataitanermut ilaatinneqarpoq umiarsuarni taarsigassarsianut atuuttunut atatillugu, taarsersorneri sumiginnarneqarunik aamma piumasaqaatitaqanngitsumik umiarsuit pisiarinissaannut pisussaaffiusunut, akiitsoqarfinnut piginnaatitaaffinnik pisussaaffinnillu Namminersornerullutik Oqartussat ingerlaannartumik tigusinissaat.

Nr. 2.

Naalackersuisut piginnaatinnearput M/S Pajuttaat Royal Arctic Bygdeservice A/S-imut atasumut umiarsuup naatsorsuutini nalinganut nalikillikkamut, taamaattorli minnerpaamik umiarsuarmut taarsigassarsiat atuuttut sinnerinut, pinngitsoorani pisisinnaatitaanissamut pisussaatinneqarnissamullu. Akiitsut sinneri annerpaamik 11.500.000 kr.-iupput.

Pisisinnaatitaaneq pisisussaataitanerlu atuutilissapput ingerlatseqatigiiffik akuersissummik sumiginnaappat, akiliisarnerminik unitsitsippat, nammineq piumassutsimik pinngitsaaliinikkulluunniit akiitsut akilersornissaannut isumaqatigiissuteqarpat, imaluunniit eqqartuussivikkortumik akiliisinnaajunnaartutut nalunaarutigineqassappat.

Pisisinnaatitaanermut ilaavoq umiarsuarmut taarsigassarsianut atuuttunut - sumiginnarneqarnerat aamma pinngitsoorani pisisussaatinneqarnermik kinguneqartussaq - akiitsoqarfinnut pisussaaffinnut ingerlaannartumik Namminersornerullutik Oqartussat inissisimalersinnaatitaallutillu pisussaaffeqalernerat.

**Kontumut pingaarnermut 11.01.11-mut Aatsitassanut Ikummatissanullu Pisortaqarfik - Ingerlatat isertitanit matussuserneqartartut**

Naalackersuisut piginnaatinneqarput Aatsitassanut Ikummatissanullu Pisortaqarfiup isertitanik matussuserneqartartumik ingerlatsineranut atatillugu ukiuni ataasiakkaani aningaasartuuteqartarsinnaanermut isertitanut naapertuutinngikkaluartunik, taamaattorli amigortoorutit katersukkat annerpaamik 3.000.000 kr.-iusinnaallutik, taamatullu aamma ukiut tallimat ingerlanerini isertitat aningaasartuutillu oqimaaqatigiissallutik.

**Aningaasaqarnermut Ineqarnermullu Naalackersuisoq - Suliassaqarfiit 20 - 29**

**Kontumut pingaarnermut 20.05.20-mut Kommunitut ataatsimoortumik tapiissutit**

Meeqqat atuarfianni klassini annerni atuartut atuarnermut tapiiffigineqartarnerat pillugu Inatsisartut peqqussutaat nr. 5 28. oktober 1982-imeersoq naapertorlugu meeqqat atuarfianni atuartunut angajoqqaaminni najugaqartunut ukiumi atuarfimmi 2000/2001 tapiissutit makku pilersuisullu isertitaasa akileraaruserneqartussat (1999) killingi aalajangiunneqarput. Tapiissutit annerpaamik ukiumut ataatsimut qaammatini 10 tunniunneqartassapput.

Isertitat	Tapiissutit	Tapiissutit kr.
<u>akileraaruserneqartussat (1999)</u>	<u>Ukiumut</u>	<u>Qaammammut</u>
159.936 inorlugit	9.384	938,40
159.936 - 178.300	7.993	799,30
178.300 - 198.134	6.687	668,70
198.134 - 216.500	5.439	534,90
216.500 - 236.229	4.215	421,50
236.229 - 256.272	3.046	304,60
256.272 taakkulu sinnerlugit	0	0

Ukiumut atuarfiusumut 2001/2002-mut tapiissutit pilersuisullu ukiumut 2000-imut isertitaasa akileraaruserneqartussat killingi imaapput:

Isertitat	Tapiissutit	Tapiissutit kr.
<u>akileraaruserneqartussat (2000)</u>	<u>Ukiumut</u>	<u>Qaammammut</u>
164.437 inorlugit	9.575	957,20
164.437 - 183.649	8.153	815,30
183.649 - 204.078	6.821	682,10
204.078 - 222.995	5.548	554,80
222.995 - 243.316	4.299	429,90
243.316 - 263.960	3.107	310,70
263.960 taakkulu sinnerlugit	0	0

**Siunertamut kontumut 20.10-imut Siunertat immikkut ittut.**

Nr. 1.

Naalakkersuisut piginnaatinneqarput pigisat nalillit Namminersornerullutik Oqartussat pigisaasa 5 mio. kr. ataallugu nalillit tunineqarnissaat pillugit suliassat aalajangiivigisarnissaannut. Pigisat nalillit 1 aamma 5 mio. kr.-it akornanni akillit tunineqarpata Inatsisartut Aningaasaqarnermut Ataatsimiititaliaat ilisimatinneqartassaaq.

Nr. 2.

Naalakkersuisut piginnaatinneqarput, Inatsisartut aningaasaqarnermut ataatsimiititaliaat ataavartumik ilisimatitsissuteqarfigisarlugu, Namminersornerullutik Oqartussani akiliisinnaassuseqarnerup nikerarnera il.il. pakkersimaarniarlugit taarsigassarsiniarnissamut.

Taarsigassarsinerumut atatillugu Naalakkersuisut pigisat aningaasanik nalillit qularnaveeqqusiussinnaavaat, Namminersornerullutik Oqartussat nunani allani taarsigassarsineranni isumaqatigiissuteqarnermi atugassaritinneqartut naapertorlugit.

Naalakkersuisut taarsigassarsinnaaneq pillugu maleruagassat erseqqinnerusut aalajangersassavaat, tamatumunnga ilanngullugu taarsigassarsiat qitiusumik nalunaarsorneqarnissaat.

Naalakkersuisut piginnaatinneqarpoq Namminersornerullutik Oqartussat taarsigassarsiaat eqqarsaatigalugit erniat nunallu allat aningaasaasa nalingi eqqarsaatigalugit ataavartumik allannortitsisarsinnaanissamut.

Nr. 3.

Naalakkersuisut piginnaatinneqarput uuliamik Kalaallit Nunaannut tunisinermi akit allannugtsaaliornissaannut isumaqatigiissuteqartarnissamut, tassunga ilanngullugit pisussaaffinnik paarlaateqatigiinnerit nunallu allat aningaasaasa nalingisigut isumannaarinerit. Isumaqatigiissuteqarneq KNI Pilersuisoq A/S sinnerlugu aamma KNI Pilersuisoq A/S-imut pisinnaavoq.

**Siunertamut kontumut 20.90 -imut Suliffeqarfiit.**

Nr. 1.

Naalakkersuisut piginnaatinneqarput Royal Greenlandimut taarsigassarsianut 269 mio. kr.-inut qularnaveeqqusiisuunissaminnut. Qularnaveeqqusiinerumut pisussaaffik 1998-imiit 2002-p tungaanut ukiut tallimat ingerlaneranni atorunnaariartuassaaq ukiuni ataasiakkaani tunisassiorsinnaassutsimillu naleqqussaanequmut atatillugu tunisassianik allanik tunisassiornerumut aningaasalersuinerumut Namminersornerullutik Oqartussanit Royal Greenland

A/S-ip tapiissutisariartagaasa amerlaqataannik.

Nr. 2.

Naalakkersuisut piginnaatinneqarput Grønlandsbankimut, 65.000.000 kr.-inik Tele Greenland A/S-imut nunatsinni aningaasanik pilersuinerup isumaginissaanut akilersugassarsisitsinerani uppersaasuunermik attassinissamut. Akilersugassat siulliit 55.000.000 kr.-it erniaqanngillat Nationalbankilu sinnerlugu tunniunneqarlutik.

**Kontumut pingaarnermut 20.90.21-mut Ingerlatsinermut tigorianaanaat**

Naalakkersuisut piginnaatinneqarput uku ima amerlatigisunik Landskarsimit tiguisinnaatissallugit:

Mittarfeqarfiit	60 mio. kr.
Arctic Umiaq Line	40 mio. kr.
Nukissiorfiit	140 mio. kr.
Great Greenland A/S	2 mio. kr.

Tiguisinnaatitaanermik atuineq ukiumut 9%-imik ernialersorneqassaaq. Nukissiorfiilli eqqarsaatigalugit 7,5 %-imik. Uninngasuutit ukiumut 3%-imik ernialersorneqassapput. Erniat naatsorsorneqassapput ullut tiguisinnaatitaanermik atuiffiusuviit tunngavigalugit ukiumillu 360-inik ullulimmik avillugit. Tigusat uninngasuutillu erniaat ullormiit ullormut naatsorsorneqartassapput qaammatillu pingasunngorneri tamaasa ernialiunneqartassallutik.

**Kontumut pingaarnermut 20.90.25-imut Amutsiviit, ingerlatsinermut tigorianaanaat**

Naalakkersuisut piginnaatinneqarput Amutsiviit Landskarsimit 6.000.000 kr.-inik tiguisinnaatissallugu suliffeqarfiup ingerlatsinermut aningaasanik pisariaqartitsineranut matu-sissutissanik. Tiguisinnaatitaanermik atuineq ukiumut 7,5%-imik ernialersorneqassaaq. Uninngasuutit ukiumut 3 %-imik ernialersorneqassapput. Erniat naatsorsorneqassapput ullut tiguisinnaatitaanermik atuiviit tunngavigalugit ukiumillu 360-inik ullulimmik avillugit. Tigusat uninngasuutillu erniaat ullormiit ullormut naatsorsorneqartassapput qaammatillu pingasunngorneri tamaasa ernialiunneqartassallutik.

**Siunertamut kontumut 24.10-mut Toqqaannartumik akileraarutit.**

Nr. 1.

Nunamut tamarmut akileraarutip procentia, Inatsisartut inatsisaanni nr. 5, 19. maj 1979-imeersumi § 27, imm. 2 naapertorlugu, aalajangerneqarpoq 2000-imi 11-ussasoq.

Nr. 2.

Nunamut tamarmut immikkut ittumik akileraarutip procentia, Inatsisartut inatsisaanni nr. 5, 19. maj 1979-imeersumi § 29, imm. 2 naapertorlugu, aalajangerneqarpoq 2001-imi 24-ussasoq.

Nr. 3.

Naalakkersuisut piginnaatinneqarput pensionit akileraaruserneqartarneranni marloriaamik akileraaruserneqartannginnissamut danskit naalakkersuisuisa nunatsinnilu naalakkersuisut isumaqatigiissutaat 21. august 1990-imeersoq, allanngortinneqartorlu tapiliussatut isumaqatigiissutikkut 31. august 1997-imeersukkut, naapertorlugu taartisiaqartitsinermut aningaasat akilernerinilu aningaasat danskit naalakkersuisuinut isumaqatigiissutiginiisaannut. Naalakkersuisut piginnaatinneqarput kommunini taartisiassatut aningaasat qanorlu ilinerani akilernerneqartarnissaasa, KANUKOKA-mik isumaqatigiinniareernikkut, aalajangersarnissaanut.

Nr. 4.

Tjenestemandinut, KNI-p allanngortinneranut atatillugu ingerlatseqatigiiffimmut atukkiunneqartunut, danskit isertitanut akileraartitsisarnerinut atasimasunut aammalu Kalaallit Nunaanni isertitanut akileraartarnermut nuunnerminni akileraarutit peereerlugit akissarsia-kinnerulersimanerminnik uppersaasannaasunut Kalaallit Nunaanni isertitanut akileraarutinut tamakkiisumik appaanissamut Naalakkersuisut piginnaatinneqarput. Taamatut Kalaallit Nunaanni isertitanut akileraarutinik appaaneq ingerlatseqatigiiffiup pineqartup aningaasalersussavaa.

**Kontumut pingaarnermut 24.11.18 Assartuinermi akit assigiissuunissaannut akit-suut.**

Imaatigut nassiussanik Kalaallit Nunaannut, Kalaallit Nunaannit Kalaallillu Nunaanni assartuineq pillugu Inatsisartut peqqussutaanni § 6 naapertorlugu akitsuutip angissusia aalajangerneqarpoq 13,88 %-iussasoq.

**Kontumut pingaarnermut 25.02.05-imut Sillimmasiineq**

Naalakkersuisut piginnaatinneqarput nammineq akiliinissamut taarsiullugu sillimmasiisarfimmi allami sillimmasermermi akiliutissanut aningaasartuutissat akilernissaannut. Aammattaaq Naalakkersuisut nammineq akiliinissamut killissap aalajangernissaanut piginnaatinneqarput.

**Isumaginninnermut Suliffeqarnermullu Naalakkersuisoq - Suliassa-qarfiit 30 - 39.**

**Siunertamut kontumut 30.10-mut Meeqqat inuusuttullu**

Naalakkersuisut piginnaatinneqarput kontut pingaarnert 30.10.02-mit 30.10.29-mut akornanni aningaasaliissutinik, akiliutissanik atorfinnillu amerlassusilikkanik nikisiterisinnanissaminut, taamaattorli konto pingaarneq 30.10.05 Meeqqat inuusuttullu pillugit ilisimasalik katersuivik pinnagu.

**Siunertamut kontumut 30.13-imut Innarluutillit**

Naalakkersuisut piginnaatinneqarput kontup pingaarnert 30.13.02-p aamma kontut pingaarnert 30.13.06-imit 30.13.10-mut aamma 30.13.16-imiit 30.13.26-imut akornanni aningaasaliissutinik akiliutissanik nikisiterisinnanissaminut.

**Kontumut pingaarnermut 30.14.20-mut Qaanaap kommuniani immikkut ittumik suliniuteqarneq aamma kontumut pingaarnermut 30.14.21-mut Ittoqqortoormiit kommuniani immikkut suliuuteqarneq**

Naalakkersuisut piginnaatinneqarput, Inatsisartut Aningaasaqarnermut Ataatsimiititaliaannit akuerineqarlutik, aningaasaliissutit atugassanngortinneqartarnissaannut.

**Kontumut pingaarnermut 30.16.21-imut Suliffissaarusimasarnerup akiorniarneqarnera**

Naalakkersuisut, Inatsisartut Aningaasaqarnermut Ataatsimiititaliaannut qinnuteqaateqareernikkut, aningaasaliissutinik atuinissamut pisinnaatinneqarput.

**Kultureqarnermut, Ilinniarititaanermut Ilisimatusarnermut Ilageeqarnermullu Naalakkersuisoq - Suliassa-qarfiit 40 - 49.**

**Siunertamut kontumut 40.11-mut Inuussutissarsiutinut ilinniarfiit**

Nr. 1.

Naalakkersuisut piginnaatinneqarput aningaasanik atugassanngortitanik kontut pingaarnert akornanni allanut nuussisinnanermut.

Nr. 2.

Ilinniarfiit siunertamut kontumi 40.11-mi Inuussutissarsiutinut ilinniarfiit pineqartut periarfissinneqarput, Naalakkersuisunit akuerineqareerlutik, aningaasaliissutit ukiuni aningaasanut inatsiseqarfiusumi 2001-imi atorneqanngitsut ukiumi aningaasanut inatsiseqarfiusumi 2002-imi akuersissutigeqqinneqartarnissaannut. Akuersissuteqaqqinneq anner-

paamik aningaasaliissutit tamarmiusut 10 %-erisinnaavaat.

**Kontumut pingaarnermut 40.11.09-mut AEB-mut aqqissuussineq naapertorlugu ilinniaqqinneq**

Aningaasanut ukiup naanerani AEB-mut aqqissuussinermi (konto pingaarneq 40.13.55) isertitat kiisalu kontumi pingaarnermi 40.13.51-imi aningaasartuutit akornanni nikingasutit matumani kontumi pingaarnermi 40.11.09 AEB-mut aqqissuussineq naapertorlugu ilinniaqqinnermut nutaamik iluarsartuussinnermut imaluunniit aningaasanut ukiumut tulliuttumut toqqorneqassapput.

**Siunertamut kontumut 40.12-imut Qaffasinnerusumik ilinniartitaanerit**

Nr. 1.

Naalackersuisut piginnaatinneqarput kontut pingaarnertit ataasiakkaat akornanni aningaasaliissutinik nikisiterisinnaanissaminnut.

Nr. 2.

Ilinniartitaanerit kontumi 40.12-mi Qaffasinnerusumik ilinniartitaanerit pineqartut periarfissinneqarput, Naalackersuisunit akuerineqareerlutik, aningaasaliissutit ukiuni aningaasanut inatsiseqarfiusumi 2001-imi atorneqanngitsut ukiumi aningaasanut inatsiseqarfiusumi 2002-imi akuersissutigeqqinneqartarnissaannut. Akuersissuteqaqqinneq annerpaamik aningaasaliissutit tamarmiusut 10 %-erisinnaavaat.

**Siunertamut kontumut 40.13.24-imut Taarsigassarsiaritit**

Ilinniagaqarnersiutit pillugit Inatsisartut peqqussutaanni nr. 3-mi, 2. maj 1996-imeersumi § 3, imm. 2, naapertorlugu 1. august 2001-imiit ilinniagaqarnermut atatillugu taarsigassarsiarineqarsinnaasut qummut killingi ima aalajangersarneqarput:

- < Ilinniagaqarnerup nalaani ukiut tamaasa taarsigassarsisoq ataaseq ilinniagaqarnerminut atatillugu 6.000,- kr.-inik taarsigassarsisinnaavoq. Aggustip ulluisa aallaqqaataanniit juulip ulluisa 31-annut ukioq ilinniagaqarnersiuteqarfivoq.
- < Ilinniagaqartoq ataaseq ataasiaannartumik 10.000,- kr.-it tikillugit ilinniagaqarnermut atatillugu taarsigassarsisinnaavoq. Ataasiaannartumik taarsigassarseqqittoqarsinnaavoq taamaallaat immikkut akuerineqarnissamik qinnuteqarnikkut.

Ilinniartitaanerit ingerlaqqiffiusuni qaffasinnerusunilu ilinniagaqartunuinnaq taarsigassarsisitsisoqarsinnaavoq.



**Kontumut pingaarnermut 40.13.50-imut Ilinniagaqarnersiutit meeqqanullu tapit aamma 40.13.51 Inuussutissarsiutinut ilinniartitaanermi tunngaviusumik ilinniartitaanernut il.il. ilinniagaqarnersiutit**

Ilinniagaqarnersiutit pillugit Inatsisartut peqqussutaanni nr. 3-mi, 2. maj 1996-imeersumi § 3, imm. 2 naapertorlugu qaammammut ilinniagaqarnersiutissat imatut aalajangersarneqarput:

- < 2.000 kr.-it ilinniagaqarnissamut piareersaataasumik ilinniartunut angajoqqaaminni najugaqartunut.
- < 2.300 kr.-it inuussutissarsiutinut tunngaviusumik ilinniartitaanernut ilinniartunut angajoqqaaminni najugaqartunut.
- < 4.500 kr.-it Kalaallit Nunaata Danmarkillu avataani ilinniagaqartunut.
- < 4.000 kr.-it ilinniagaqartunut allanut.

1. august 2001-imit qaammammut ilinniagaqarnersiutissat imatut aalajangersarneqarput:

- < 2.100 kr.-it ilinniagaqarnissamut piareersaataasumik ilinniartunut angajoqqaaminni najugaqartunut.
- < 2.415 kr.-it inuussutissarsiutinut tunngaviusumik ilinniartitaanernut ilinniartunut angajoqqaaminni najugaqartunut.
- < 4.725 kr.-it Kalaallit Nunaata Danmarkillu avataani ilinniagaqartunut.
- < 4.200 kr.-it ilinniagaqartunut allanut.

**Kontumut pingaarnermut 40.13.55-imut AEB-mut akiliutit**

Sulisitsisut inuussutissarsiutinut ilinniartitaanermut akiliutaat (AEB) pillugu Inatsisartut inatsisaat nr. 16 23. oktober 1989-imeersumi § 4 imm. 1 naapertorlugu ukiumi akiliiffissami 2001-imi akiliinissamut procenti 0,9 %-imut aalajangiunneqarpoq.

**Kontumut pingaarnermut 40.13.60-imut Immikkut tapiissutit angalanermut aningaasartuutit, kiisalu 40.13.61 Immikkut tapiissutit. Angalanermi aningaasartuutit il.il. KIIP-p ilinniartitaanermi.**

**Nr. 1**

Namminersornerullutik Oqartussat aqputigalugit Kalaallit Nunaata Danmarkillu avataanni ilinniagaqartunut qaammammut ilinniagaqarnersiutit naalakkersuisut qaffassinnaavaat, qaffaanissaq makkuninnga tunngavilersuutitaqarpat:

- < Sumiiffimmi oqartussaasunit nunani allamiunut tunngatillugu inatsisitigut piumasagaatit
- < ilinniartuup pineqartup piumasagaatai
- < illoqarfimmi ilinniartuusumi inuuniarnermi aningaasartuutit qaffasissorujussuit.
- < ilinniagaqarnersiutinik nuussinermut atatillugu immikkut aningaasartuuteqarneq.

Tamatuma saniatigut ilinniartitaanernut immikkut aaqqissuussanut atatillugu, tamatumalu malitsigisaanik ilinniagaqarnersiuteqartitsinissamik immikkut pisariaqartitsisoqalersillugu, soorlu nunatta Danmarkillu avataani ilinniagaqarnerni, allanik atugassaqartitsilluni ilinniaqarnersiuteqartitsisoqarsinnaasoq naalakkersuisut aalajangersarsinnaavaat.

Nr. 2

Naalakkersuisut piginnaatinneqarput aningaasanik atugassanngortitanik kontut pingaarnerit akornanni allanut nuussisinnaanermut.

**Kontumut pingaarnermut 40.14.18-imut, Kalaallit Nunaata Radiua**

Naalakkersuisut piginnaatinneqarput Kalaallit Nunaata Radiua Landskarsimit 2,3 mio. kr.-inik tiguisinnaatissallugu, teknikkkut atortunut nutaanut ingerlaavartumik aningaasaliissuteqartarnissamut Kalaallit Nunaata Radiuata aningaasanit pisariaqartitaanut matusisutissatut.

Tiguisinnaatitaanerup atorpeqarsinnaaneranut piumasaqaataavoq, tamanna pillugu Kalaallit Nunaata Radiuata siulersuisui naalakkersuisunut saaffiginnissuteqassasut, aningaasanillu pisariaqartitsineq allatut aaqinneqarsinnaanngitsutut nalilerneqassasoq.

Tiguisinnaatitaanermik atuineq ukiumut 9 %-imik ernialersorneqassaaq. Uninngasuutit ukiumut 3 %-imik ernialersorneqassapput. Erniat naatsorsorneqassapput ullut tiguisinnaatitaanermik atuiffiusuviit tunngavigalugit ukiumillu 360-inik ullulimmik avillugit. Tigusat uninngasuutillu erniaat ullormiit ullormut naatsorsorneqartassapput qaammatillu pingasunngorneri tamaasa ernialiunneqartassallutik.

**Kontumut pingaarnermut 40.14.28-mut Dansk Tipstjenestip sinneqartoorutinit Kalaallit Nunaata pissarsiaanit tapiissutit**

Naalakkersuisut piginnaatinneqarput ukiumi aningaasanut inatsiseqarfiusumi 2001-imi atorpeqanngitsut ukiumi aningaasanut inatsiseqarfiusumi 2002-imi akuersissutigeqqinneqartarnissaannut

**Suliassaqarfimmut 45-mut Ilageeqarneq**

Naalakkersuisut piginnaatinneqarput kontut pingaarnerit ataasiakkaat akornanni aningaasaliissutinik nikisiterisinnaanissaminnut.

**Inuussutissarsiornermut Naalakkersuisoq - Suliassa qarfiit 50 - 59**

**Kontumut pingaarnermut 50.06.18-imut Ingerlatsinissamik isumaqatigiissutit, tunisassiorfiit**

Nr. 1.

Naalakkersuisut piginnaatinneqarput nunaqarfinni illoqarfinnilu tunisassiorfiit ingerlanneqarnerat pillugu NuKa A/S-imik kiffartuunneqarnissaq pillugu isumaqatigiissuteqarnissamut, ingerlatseqatigiiffiup 1999-imi tunisassiorfinnik pineqartunik Royal Greenland A/S-imit tiguseraneranut atatillugu.

Nr. 2.

Naalakkersuisut piginnaatinneqarput, Nuka A/S-ip Royal Greenland A/S-imit tiguneqarneranut atatillugu, Nuka A/S-imi Namminersornerullutik Oqartussat piginnittuunerat aamma ingerlatsinermi pissutsit pillugit nalunaaruteqartarnissamut, tamanna 125 mio. kr.-it tikillugit ingerlatsinermut sanaartormullu aningaasanik tigorianaannik taarsigassiat aningaasalersorneqarnerannut atatillugu taarsigassarsisitsisut piumasarigaangassuk.

**Kontumut pingaarnermut 50.09.11-mut Inuussutissarsiutinik siuarsaaneq aamma kontumut pingaarnermut 50.09.13-imut taarsigassarsianut qularnaveeqqusiissutit akilerneqarneri**

Nr. 1.

Naalakkersuisut piginnaatinneqarput aqutsinermut ingerlatseqatigiiffimmik, assersuutigalugu Sulisa A/S, nunami inuussutissarsiutinut tapersiisarneq pillugu Inatsisartut inatsisaat naapertorlugu suliassanik isumaginninneqqullugu kiffartuunneqarnissamik ukiumut ataatsimut isumaqatigiissuteqarnissamut.

Nr. 2.

Naalakkersuisut piginnaatinneqarput 2001-imi piviusunik suliassanik pilersaarusiornissamut isumaqatigiissuteqarnissamut siunnersuinissamut, ilitsersuineranut najukkanilu inuussutissarsiutit ineriartortinnerinut ikiuunnerit pillugit Sulisa A/S-imik ukiumi pingasuni kiffartuunneqarnissamut isumaqatigiissutaareersup iluani.

Nr. 3.

Naalakkersuisut piginnaatinneqarput 2001-imi aallarnisaasunut kinguaariinnullu tullernut tunniussinermut atatillugu taarsigassarsisoqarnerani katillugit annerpaamik 12.000.000 kr.-inut qularnaveeqqusiinissaminnut.

**Kontumut pingaarnermut 50.12.10-mut Nioqqutissanik pilersuineq**

Nr. 1.

Tjenestemandinut KNI Pisiffik A/S-imi aamma KNI Pilersuisoq A/S-imi imaluunniit suliffeqarfissuarmut attuumassuteqartumut piginneqatigiiffimmi atorfeqalersimasunut, tjenestemanditut soraarnerussutisiaqarnissap atorunnaarneranut taartissamik piginneqatigiiffiit soraarnerussutisiaqarnissamut sillimmasiisarfimmut namminersortumik pilersitsisapput. Tjenestemanditut soraarnerussutisiassat assinginik tamakkiisumiktunniussisoqarsinnaassanngippat, taava soraarnerussutisiaqarnissamut sillimmasiisarfiup namminersortup tunniussinnaanngisaa piginneqatigiiffiit akilissavaat. Atorfik eqqarsaatigalugu pisussaaffiup tamatuma naammassineqarnissaanut Namminersornerullutik Oqartussat akisussaassapput, aammattaaq soraarnerussutisiaqarnissamut pisussaaffik piviusunngortinneqasagaluarpat taava Namminersornerullutik Oqartussat piginneqatigiiffinnut tamakkiisumik taarsiissussaataapput.

Nr. 2.

Naalakkersuisut piginnaatinneqarput nioqqutissanik pilersorneqarnej pillugu kiffartuunneqarnermik isumaqatigiissummi killissarititaasut pillugit Namminersornerullutik Oqartussaata aamma KNI Pilersuisoq A/S-ip akornanni “Kiffartuussineq pillugu killissarititaasunik isumaqatigiissut”-siornissamut.

Nr. 3.

Namminersornerullutik Oqartussat aamma KNI Pilersuisoq A/S-ip akornanni “Kiffartuussineq pillugu killissarititaasunik isumaqatigiissut”-eqarnermut atatillugu Naalakkersuisut piginnaatinneqarput KNI Pilersuisoq A/S-imi imaluunniit suliffeqarfissuarmut attuumassuteqartumut piginneqatigiiffimmut kiffartuunneqarnermut isumaqatigiissusior-nissamut.

Kiffartuunneqarnissamut piumasat ilaat nutarterneqannginnerinut atatillugu atorunnaarsitsiner-mi aningaasartuutaasinnaasut Namminersornerullutik Oqartussat isumagisussanngor-simappagit “Kiffartuussineq pillugu killissarititaasunik isumaqatigiissut”-eqarnermut atatillugu Namminersornerullutik Oqartussat pisussaatinneqarput ukiumi aningaasaliif-fimmi aningaasaliiffiunngitsumilu atorunnaarsitsiner-mi aningaasartuutaasinnaasut akilis-sallugit.

**Kontumut pingaarnermut 50.85.20-imut Illut Sulliviit, nunaqarfiit**

Naalakkersuisut piginnaatinneqarput ukiumi aningaasaliiffimmi sanaartukkanut killilersuutaasinnaasumik aningaasaliissutinik aaqqissuussinissamut. Aningaasaqarnermut Naal-lakkersuisoq, pingaaruteqanngitsumik nikisitsisoqartillugu aningaasallu amerlassusaat 2 mio. kr. inorpatigit, nikisitsiner-mik akuersissuteqarsinnaavoq.

**Suliassaqarfimmut 51-imut Inuussutissarsiutinut tapersiisarneq**

Nr. 1.

Inuussutissarsiutinut tapersiisarnermi ataatsimiititaliap taarsigassarsiat qularnaveeqqusikat akilersugassarsiallu eqqortumik naammassineqarsimanngitsut qularnaveeqqusiinermi piumasaqaatit, aalisarnermut, piniarnermut nunalerinermullu tapersiisarneq pillugu Inatsisartut peqqussutaat nr. 8, 31. oktober 1996-imeersoq imaluunniit siornatigut inuussutissarsiutinut tapiissuteqartarnermut malittarisassat atuuttut malillugit akilersinnaavai.

Inuussutissarsiutinut tapersiisarnermi ataatsimiititaliap taarsigassarsiat qularnaveeqqusikat akilerneqartut inuussutissarsiutinut tapiissuteqartarnermut taarsigassarsianngortillugit allanngortissinnaavai tamatumunnga piumasaqaatit atuuttut malillugit, kisiannili inuussutissarsiutinut tapiissuteqartarnermut peqqussummi erniaqartitsisarneq atuuttoq aalajangerneqarsinnaavoq Danmarkimi Nationalbankip diskontuatigoortumik qaffasinnerpaamik 5 procentpointinut.

Nr. 2.

Inuussutissarsiortinut tapersiisarnermi ataatsimiititaliap 20.000.000 kr.-inut killiliussat iluanni taarsigassarsianut akilersugassarsianulluunniit qularnaveeqqusiisinnaavoq inuussutissarsiutinut tapiissuteqartarnermut ataatsimiititaliap ingerlatsineranut Inatsisartut peqqussutaat sukkulluunniit atuuttoq naapertorlugu.

**Kontumut pingaarnermut 51.07.32-imut Taarsigassarsiarititat erniallit (tamarmiusut) aamma kontumut pingaarnermut 51.07.33-imut Taarsigassarsiarititat erniallit, akilersuutit (tamarmiusut)**

Naalackersuisut piginnaatinneqarput ataani taaneqartunik atugassaqartitsilluni aalisariutiniq Q-23-nik aamma angallatinik Q-30 type I-inik Amutsivinnit sananeqarsimasunik tunniunneqarsimasunillu piginnittut ataasiakkat taarsiiffigineqarnissamik neqeroorfigineqarnissaannik. Taarsiissutit tunniunneqassaput angallatinik pisinermi isumaqatigiissutinik angallatit naammassinnissimasutut isigineqanngimmata.

Taarsiissutit angallatinut Q-23-nut tunngatillugu 200.000 kr.-iupput angallatinullu Q-30 type I-nut tunngatillugu 245.000 kr.-iullutik. Taarsiissutit tunniunneqassapput taarsiissutit angallatinik piginnittut inuussutissarsiutinut tapersiisarnermi taarsigassarsiaasa erniallit ikilisinneqarnissaannut tamakkiisumik atorineqartussanngorlugit. Taarsiissutit pingaarnertut taarsigassarsianut akiligassat nalinginnaasut sinnerinit ilanngaatigineqassapput, sinneqassappatalu taakku akiitsut kinguaattoorutit ikilisinneqarnerinut atorineqassallutik. Taarsigassarsianut akilersuutit taarsigassarsiat immikkut ittumik ikilisinneqarnerat naapertorlugu annikillisinneqassapput akiligassanullu sinneruttut aallaqqaataani ukiut akilersuiffis-

satut aalajangersarneqarsimasut naapertorlugit akilersorneqassallutik.

Taarsiissuteqarnissamik neqerooruteqarnermut tunngaviussaaq, angallatit tunniunneqarneranni kukkunernut amigaatinulluunniit tunngasunik Amutsivinnut imaluunniit Namminersornerullutik Oqartussanut piginnittut piumasaaqatigisinnaasaannut tamakkiisumik inaarutaasumillu aalajangiinertut neqeroorummik angallatinik piginnittut akuersinissaat.

Taarsiissuteqartoqassangilaq aallaqqaammut angallammik piginnittup angallat piginnittumut nutaamut tunisimappagu. Angallat arlaliulluni peqatigiilluni pissarsiarineqarsimappat, piginnittoqqaartullu arlaat ataaseq arlallilluunniit piginnittuunermit tunuarsimappata, aallaqqaataanit piginnittunit sinneruttumut sinnuttunulluunniit taarsiissuteqarnissaq neqeroorutigineqassaaq.

Naalackersuisut piginnaatinneqarputtaaq angallammik piginnittumut ataatsimut siusinerusukkut Q-23-mik pigisaminik tallisitsisimasumut motorianillu taarsiisitsisimasumut qulaani taarsiissutip saniatigut aamma taarsiissuteqarnissamut. Saniatigut taarsiissutissat taakku aalajangersarneqassapput aningaasartuutitut angallammik piginnittup nammineq aallarniutaanit akilerneqarsimasunut aamma inuussutissarsiutitut tapersiisarnermit taarsigassarsianut ernialersugaasunut, angallatit tallineqarneranut angallatillu motoriata taarserneqarneranut aningaasartuutit aningaasalersorneqarnerannut aningaasaliissutigineqarsimasunut.

**Kontumut pingaarnermut 52.12.01-imut Takornariartitsineq**

Naalackersuisut piginnaatinneqarput ingerlatassanut kontumut pingaarnermut 50.12.01-imut missingersuutitut ilanngussami allaaserineqartunut atatillugu suliaassat isumagineqarnissaannut Greenland Tourism A/S-imik Takornariaqarneq pillugu Siunnersuisoqatigiinnik kiffartunneqarnissamik isumaqatigiissuteqarnissamut ukiuni pingasuni ingerlasusamik 2001-imi suliaassanut iliuusissatut pilersaarut pillugu isumaqatigiissuteqarnissamut.

**Kontumut pingaarnermut 52.12.02-mut Takornariaqarnermi aallarnisaanut aningaasalersuinikkut tapersiisarneq**

**Nr. 1.**

Takornariaqarnermut aningaasaliissuteqartarneq pillugu Inatsisartut inatsisaat naapertorlugit aallarnisaasunut aningaasalersuinikkut tapersiisarnerup aqunneqarneranut atatillugu allattoqarfimmik isumaginninnissaq pillugu Naalackersuisut piginnaatinneqarput ukiumut ataatsimut piginneqatigiiffimmut aqutsisuusumut kiffartuunneqarnissamik isumaqatigiissuteqarnissamut, soorlu Greenland Tourism A/S, Takornariaqarneq pillugu Siunnersuisoqatigiit.

Nr. 2.

Kontumi pingaarnermi matumani aningaasaliissutit ilanngaatisat ilanngaatigereerlugit aningaasaliissutaapput tapiissutit taarsigassarsiarititatullu atorpeqartussat. Siusinnerusukkut taarsigassarsiaritinneqarsimasut erniaat akilersuutitaallu ilanngaatisat ilanngaatigereerlugit aningaasaliissutit iluanni atoqqinneqarsinnaapput.

**Kontumut pingaarnermut 52.12.06-imut Ingerlatat Juullip Inuanut attuumassutillit**

Naalackersuisut piginnaatinneqarput aqutsinermut ingerlatseqatigiiffimmik kiffartuunneqarnissamik isumaqatigiissuteqarnissamut. Isumaqatigiissummut ilaatinneqarsinnaapput kontumut pingaarnermut 52.12.06-imut missingersuutinut ilanngussami ingerlatassanut atatillugu suliassat isumagineqarnissaat.

**Peqqinnissamut, Avatangiisinut Ilageeqarnermullu Naalackersuisoq - Suliassaqarfiit 60 - 69**

**Siunertamut kontumut 60.10-mut Immikkut ilisimasallit katsorsaallutillu ilinniartitsineri, siunertamut kontumut 60.11-mut Najukkani peqqinnissaqarfiit, nakorsanit sullinneqarneq aamma siunertamut kontumut 60-12-imut Najukkani peqqinnissaqarfiit, kigutilerineq kiisalu kontumut pingaarnermut 60.01.10-mut PAARISA, pinaveersaartitsineq peqqinnissamillu siuarsaaneq**

Naalackersuisut piginnaatinneqarput kontut pingaarnertit ataasiakkaat akornini aningaasaliissutinik nikisitsisarnissaminut.

**Kontumut pingaarnermut 60.10.16-imut Imigassamik ajornartorsiutilinnut katsorsaasarfiit**

Naalackersuisut piginnaatinneqarput "Imigassamik ajornartorsiutilinnut katsorsaasarfiup Qaqiffiup Ilulissani pilersinneqarsimasup ingerlanneqarnera pillugu Namminersornerullutik Oqartussat, Peqqinnissamut Avatangiisinullu Pisortaqaarfikkoorlugu Frederiksbergcenteret ApS-mik isumaqatigiissutaat" atorunnaarsinneqassappat, aningaasaliissutitigut tunngavissaqartitsiarnissamut oqartussaasut aningaasaliissuteqartartut itigartitsissagaluarpa, isumaqatigiissutip atorunnaarsinneqarneranut Frederiksbergcenteret ApS-imut imatut akiliuteqarnissamut:

Isumaqatigiissut 1. juli 2001 tikitsinnagu atorunnaarsinneqarpat: 500.000 kr.

**Siunertamut kontumut 61.86-imut Avatangiisinut sanaartukkanut assigiinngitsunut**

Nr. 1.

Naalackersuisut piginnaatinneqarput ukiumi aningaasanut inatsiseqarfiusumi ingerlatassanik killilimmik iluarsisuteqartarnissamut aningaasaliissuteqartarnikkut iliuuseqartarnis-

saminnut. Nikisiterinissat aalajangiisuusumik tunngaviusumik imaqanngitsut 2 mio. kr.-illu ataallugit aningaasartallit pineqartillugit nikisitsinernik Aningaasaqarnermut Naalakkersuisoq akuersissuteqartarsinnaavoq.

Nr. 2.

Naalakkersuisut piginnaatinneqarput, suliarinnittussarsiuussereernerup kingorna suliamut aningaasartuutit tamakkiisut, aningaasanut inatsimmi suliamut aningaasartuutissat tamakkiisut annikitsumik sinnerneqarsimappata, Aningaasaqarnermut ataatsimiititaliaq saqqummiussiffigeqqaarnagu sanaartornissamut pilersaarutit aallartissallugit. Aningaasaqarnermut Naalakkersuisoq aallartitsineq akuerisinnaavaa aningaasartuutaanerusut annerpaamik 15 %-iuppata, 3 mio.kr.-inillu annikinneruppata. Aammattaaq piumasqaataavoq ukiuni missingersuusiorfiusuni aningaasartuutaanerusut akilerneqassasut, aningaasartuutaanerusullu taakku ukiuni tulluuttuni aningaasanut inatsimmi Naalakkersuisunit ilanngunneqassasut.

**Ineqarnermut, Attaveqarnermut Pilersuinermullu Naalakkersuisoq - Suliassa qarfiit 70 - 99**

**Suliassa qarfinnut 70-74-imut Ineqarnermut, Attaveqarnermut Pilersuinermullu Pisorta qarfik**

Nr. 1.

Tjenestemandinut Tele Greenland A/S-imi atorfeqalersimasunut ingerlatseqatigiiffiit inummut tunngasumik soraarnerussutisiassanut sillimmasiissuteqassapput tjenestemandit soraarnerussutisiassaasa atorunnaarsinneqarnerinut taartissatut atugassanik. Tjenestemandit soraarnerussutisiassaasa taamaaqataannik matussutissaqartinnerat anguneqarsinnaanngippat, ingerlatseqatigiiffiit soraarnerussutisiassanik piumarineqartut inummut tunngasumik soraarnerussutisinermit anguneqarsinnaanngitsut akilertassavaat. Namminersornerullutik Oqartussat atorfilimmut pisussaaffiup taassuma eqquut-sinnissaa akisussaaffigaat, aamma Namminersornerullutik Oqartussat ingerlatseqatigiiffinnut tamakkiisumik akiliisitsiniartussaapput soraarnerussutisiassat ilassutaasa tunniunneqarnissaanni.

Nr. 2.

Ingerlatsinermit akuersissutinut naleqqiullugu naatsorsuutitigut nikingassutaasut suliffeqarfinni aalajangersimasunik aningaasaliiffigineqartartuni uninngatinneqassapput.

Uninngasut katersukkat, Naalakkersuisunut Inatsisartullu aningaasanut ataatsimiititaliaa-



nut saqqummiussereernikkut, ilaatigut aningaasaliissutitut atorneqarsinnaapput.

**Kontumut pingaarnermut 71.92.10-mut Nukissiorfiit**

Kiassaateqarfiit Inissiaatileqatigiiffimmit INI A/S-imit tiguneqarsinnaaneranut atasumik Nukissiorfiit piffissami ikaarsaariarfimmi suliffeqarfiup tunisinermut tunniussinermullu atugassaritaanit allaasunik periuseqarsinnaapput kiassaateqarfiillu Nukissiorfinnit tiguneqarneri sioqquullugit periutsit atuuttut malillugit kiassarnermut akit akilersittarlugit.

**Suliassaqarfimmut 73-imut Angallanng**

Nr. 1.

Naalakkersuisut piginnaatinneqarput tjenestemandit Royal Arctic Line A/S-imut imaluunniit ingerlatseqatigiiffimmi tassunga ingerlatseqatigiiffissuakkut atasumi nuussimasut pisassaasa akilernissaannut, tamatumunngalu atatillugu tjenestemandit imaatigut angalassut tjenestemandinut assingusumik ingerlatseqatigiiffimmi atorfinitsitaanermanni atugas-saritinneqartut naapertorlugit piginnaatitaaffiisa naammassineqarnissaat Namminersor-nerullutik Oqartussat akisussaaffigissallugu.

Nr. 2.

Naalakkersuisut piginnaatinneqarput Namminersornerullutik Oqartussat KNI Pilersuisoq A/S-illu akornanni sullissinerit pillugit killiliussatut isumaqatigiissuteqartoqarneranut atatillugu Royal Arctic Line A/S-imik imaluunniit ingerlatseqatigiiffimmi tassunga ingerlatseqatigiiffissuakkut atasumik sullissinerit pillugit isumaqatigiissuteqartarnissamut.

Isumaqatigiissuteqarnermut atatillugu Namminersornerullutik Oqartussat pisussaapput ukiumi aningaasaliissuteqarfiusumi tamatuma kingorna atortunnaarsitsinermut aningaasartuutaajunnartunut aningaasartuuteqarnissamut, sullissinerit isumaqatigiissutaasimasut arlaannik nutarterinnginngikkut Namminersornerullutik Oqartussat ilanngaattissat ilanngaatigereerlugit atorunnaarsitsinermut aningaasartuuteqassappata.

**Kontumut pingaarnermut 73.10.10-mut Umiarsuartigut ilaasunik angallassineq, tapiissutitut aningaasaliissutit**

Naalakkersuisut piginnaatinneqarput Inatsisartut Aningaasaqarnermut Ataatsimiititaliaat ilisimatitsissuteqarfigisarlugu Arctic Umiaq Line A/S-imut ukiumi aningaasaliiviusumi taassumalu avataatigut umiarsuartigut ilaasunik angallassinerup suliarineqartarnissaa pillugu isumaqatigiissuteqarnissaminnut.

**Kontumut pingaarnermut 73.20.09-imut Nunap iluani timmisartuussineq, kiffartuunneqarnissamik isumaqatigiissutit**

Nr. 1.

Naalakkersuisut piginnaatinneqarput, Inatsisartut Aningaasaqarnermut Ataatsimiititaliaat ilisimatittarlugu, ukiumi aningaasaliissuteqarfiusumi, taammalu sipporlugu, kikkunnik tamanik timmisartoq atorlugu angallassisarnerup ingerlanneqarnissaanut tamatuminnga ingerlataqartunik isumaqatigiissuteqartarnissamut.

Nr. 2.

Naalakkersuisut piginnaatinneqarput Inatsisartut Aningaasaqarnermut Ataatsimiititaliaat ilisimatitsissuteqarfigisarlugu isumaqatigiissutinut tunngatillugu annertunerusunik akiliuteqarsinnaanissaminut, assartorneqartut annertussusii imaluunniit tunngaviusumik akit kontumi pingaarnermi matumani nunatsinni timmisartuussinermut kiffartuussinissamik isumaqatigiissutini akiliutaagallartut aalangersarneqarnerannut tunngavigineqartunit allaanerussuteqarnerisa kingunerisaannik.

**Suliassaqarfimmut 80 - 99-imut Sanaartugassat aamma nutarterineq**

Nr. 1.

Naalakkersuisut piginnaatinneqarput ukiumi aningaasanut inatsiseqarfiusumi kontuni sanaartugassanut nutarterinissanullu aningaasaliissutinut tunngasuni ingerlatassanik killilimmik iluarsissuteqartarnissamut aningaasaliissuteqartarnikkut iliuseqartarnissaminut. Nikisiterinissat aalajangiisuusumik tunngaviusumik imaqaangitsut 2 mio. kr.-illu ataallugit aningaasartallit pineqartillugit suliassaqarfiup iluani kiisalu kontumit pingaarnermi 80.00.01-imit Nikisiterinissamut sillimmatit nikisitsinernik Aningaasaqarnermut Naalakkersuisoq akuersissuteqartarsinnaavoq.

Nr. 2.

Naalakkersuisut piginnaatinneqarput, suliarinnittussarsiuussereernerup kingorna suliamut aningaasartuutit tamakkiisut, aningaasanut inatsimmi suliamut aningaasartuutissat tamakkiisut annikitsumik sinnerneqarsimappata, Aningaasaqarnermut ataatsimiititaliaq saqqummiussiffigeqqaarnagu sanaartornissamut pilersaarutit aallartissallugit. Aningaasaqarnermut Naalakkersuisoq aallartitsineq akuerisinnaavaa aningaasartuutaanerusut annerpaamik 15 %-iuppata, 3 mio.kr.-inillu annikinneruppata. Aammattaaq piumasaqaataavoq ukiumi missingersuusiorfiusuni aningaasartuutaanerusut akilerneqassasut, aningaasartuutaanerusullu taakku ukiumi tulluuttuni aningaasanut inatsimmi Naalakkersuisunit ilanngunneqassasut.

**Kontumut pingaarnermut 87.72.15-imut Piginneqatigiilluni inissialiortiterneq**

Naalakkersuisut piginnaatinneqarput piginneqatigiilluni inissiat, sanatitsisumit namminer-sortumit sananeqartut, inissiallu naammassineqarnerata kingorna piginneqatigiilluni

inissiaatileqatigiit peqatigiffiannut tunniunneqartut, aningaasalersueqataaffiginissaannut neriorsuuteqartarnissamut.

**Kontumut pingaarnermut 87.72.19-imut 10/40/50 atorlugu sanaartorneq**

Naalakkersuisut piginnaatinneqarput ilaqutariit ataasiakkaat illuisa nutaamik sanaat, sanatitsisumit namminersortumit sananeqartut, aningaasalersueqataaffiginissaannut neriorsuuteqartarnissamut aamma sananeqareersimasut iluarsaassivigineqarnissaannut pitsanngorsarneqarnissaannulluunniit taarsigassarsisitsinissamik neriorsuuteqartarnissamut.

**Kontumut pingaarnermut 87.72.20-mut Illoqarfinni nammineerluni illuliat**

Naalakkersuisut piginnaatinneqarput illoqarfinni nammineerluni illuliornissamut nammineerluni illuliassat, najoqqutassiat nunaqarfinni isorliunerusunilu nammineerluni illuliat aningaasalersorneqarnerannut maannammut atuussimasut najoqqutaralugit, aningaasalersueqataaffiginissaannut neriorsuuteqartarnissamut.

**Suliassaqarfimmut 91-imut Avatangiisinut nukissiornermullu immikkoortumut pilersaarut (MIFRESTA)**

2001-imut immikkoortumut pilersaarummi nutarterinertut ingerlanniakkat taamaatiinnarneqarpata Naalakkersuisut piginnaatinneqarput 5 mio. kr. tikillugu ingerlanniakkanut aningaasaliissutit atorneqartussaajunnaartut ingerlatassanut allanut atorneqarnissaannik aalajangiinissaminnut.